

道法會元卷之一百七十一

邱一

上清童初五元素府玉冊正法

統序

謹按西龜臺元錄江東句曲之地有不死之鄉即金陵之所部下有山曰句曲為山形勾而曲故以命名焉其山有洞天之所號曰華陽洞天天之陰宮內有真館名曰童初府府有仙都總治之曹太玄館是也館中別有分教之局左曰蕭閑堂右曰易遷宮迺東華下教男女真仙授書之所其統謂之曰童初府也其地多出真仙奇藥多產靈芝金漿玉泉地脉兩聯皆通天下洞天乃三茅二許楊郭七真南嶽上真元君成道之所後人以三茅真君之姓改山名之曰茅山晉永和青童大帝降元君之宅輒輪之迹于今存焉所謂華陽天仙之真館括蒼地戶之陰宅皆孫考校之所凡是天地水仙莫不司諫焉童初府者總掌之真司也如太玄真人孫思邈童初上卿劉寬皆執職其中府內別有五府號上清

五元素府有五聖嗣教司之統攝三界水火刀兵風雨龍神魔鬼妖恠生死禍福真仙升降莫不由之予奪也五府之中有上帝冊命封嗣四聖并正一天師作外臺卿以掌幽顯存亡不典之事金文玉誥擇仙才遞為嗣教之真使下元修真之士繼世代代名刊金闕位封仙真之官佐助天地行化翊贊邦國故民其法因局命名故曰五元素府玉冊童初府正法是也斯文亘古及今上天威禁寶秘至重不傳下世因真人楊希真遇元應高聖請命

玉皇至尊封為第一代嗣教外臺卿因茲漸露玄奧其法內載玉冊五府五道皆係赤明劫自然玉文符有十品並述上道禁經印封五府儲以七品仙班流降凡塵撫厥晚沈極其末運依科遵用可以呼召丁甲驅叱風雷拯推七政調和五運辟斥三災濟拔生死摧魔誅妖剪邪立正贊助皇猷修之於身則靈烝布於三關鶴沖和於九竅陽前妖魔陰除散結內集百神外降

千真指日而昇上清矣玄科有格四萬劫一傳於上仙矣既以波降塵寰而從五府新令有諸其人四十年一傳五人為限過數不得後出諸又云夫童初府乃司命考校之府也按登真巡山隱訣曰江東金陵句曲之地山有三峯各有洞巖石宇周迴聖真古迹乃三茅二許楊郭七真成道靖所也洞天之名乃號華陽仙館而名太玄官府左曰童初府右曰蕭閑堂是司命下校男女真仙授事之局此法未見顯於世中因淮南白沙修真之子楊希真遇仙聖嗣授玄文內有高聖洞玄玉冊五卷皆上天隱奧之文真人指示篇目釋上清寶冊之首章符數十道引明大洞密諱天文印記嗣掌大帝五府之仙階七品並以真班之列總括三洞寶文樞紐嗣行五聖之大教此皆非世之常詞通究尋常末學下夫豈可參受真仙之子尚未洞曉苟混雜術同行天憲非輕授受盟科各如本經亂示非人不依年限各招冥譴不敢廣露天機

得者按五聖本行之數詳之而明謹叙

元應太皇府玉冊

冊曰

攸明朗空三元咸辯祖考億劫孰為校勘
逮乎肇始玄極表中重光俱分上下益正
元育司形交通惟哲肅靜肅清兩儀自會
真明構和玄黃冥際雲為作中還乘誓主
不法不明上下反覆中黃元一承位玄極
司真司一東西贊化鎮乎景分治此大位
應化有方是曰元始

右元應玉冊元景玉冊元照玉冊元和玉
冊乃天蓬大元帥天猷副元帥翊聖保德
真君佑聖真武真君四聖真君皆自赤明
主者俱嗣上法而各主陰治故世莫得而
知之但知有司驅邪院也蓋此文事簡而
難成法簡而難行非山林枯槁之士莫得
與語
解曰重光玄黃色也元育司形主者平育
舉清左相也乃中黃元一太皇君贊化卿
也司真司一乃是太皇君左右理禁主者

皆執職平河宮主定地界法官

天蓬大元帥乃嗣教外臺卿也元帥嘗授
教曰上下炁辯萬殺俱起隨情隨變慢真
日益苟以陰印治之陰符鎮之則山川俱
不息宣化俱不行付以太皇府印上元重
明九斗陽芒火鈴真符太赤皇主定元府
鎮治凡事奏上元重明官申章初翊治所
筮曰自延康開劫之始燧象著明三光分
辯之後萬類分葩歷劫無窮循環任運中
有工用之宰是為校勘之祖為普天之中
表作肇始之法王分定玄黃益正上下者
中黃元一太皇帝君是也有左右贊教理
禁主者謂之司真司一與平育舉清左相
同治其職封為贊化卿又曰元育司形主者
育者養也以善養萬化生成不惑故曰元
育但自先天先地玄黃開闢二氣分隸陰
昇陽降媾和中道生育人倫無窮劫數至
季運之末慢真日益異景紛紜上下反覆
萬殺俱起莫知法明惟中黃元一大帝承
玄鎮景應化御位統攝總殺肅清二儀靜

明三元掌元應之玉冊執職平阿官封

天蓬大元帥為嗣教外臺卿別有神局是
陰治之有司號北極驅邪院如世之殿帥
兵府是也其中皆是陰治主者乃地界法
官是其任也及至季氣彫殘陰印陰治不
能治之山川不息宣化不行故付出是冊
以舉仙官為任使拯治陰魔禁禦萬殺承
陽宣化保寧山川生育萬彙皆荷道化
上清火鈴九斗陽芒重明真符



炎神炎神火鈴火鈴上通紫極
下徹黃冥却妖煉真赤帝之靈

炎精二神三台 煉胎易質
流晶 未訣 暱煉魂康

萬妖摧落成 上元賜福天官中元
煙飛揚清訣 赦罪地官下元解厄

水官天蓬大元帥天猷副元帥翊聖保
德真君真武靈應真君 自子至亥坐

子子子 炎精一德洞入大鄉混
合九炁總契虛皇 午訣

玉皇有勅流金振芒九天

身

煥落貞利無疆 猶于文

魁魁魁魁魁魁

引七星先管入口


斬攝

斬滅魔鬼攝捉 如靈急急如律

今煉

煉陽治陰治病延齡 此字吞服 急急如律令 玉皇訣 王皇

聚形



謹按師旨火鈴真符乃五府之總冠衆符

之元首出上清七轉七變儻天經及中皇

大帝祕勅後人巧偽改易符形增飾命名

殊虧元訓今依師旨重行改正并詳書祕

授口訣使全真道後之學士無再易真授

非唯招愆三官用之不神所誤非輕幸宜

遵用庶符宗旨右欲書符時先面太陽指

玉帝訣念玄真隱諱呪引太陽紫光九芒

炁吹布丹砂及筆中誦天蓬呪一遍然後

端坐炁香靜神疑思丹陵上官赤帝吐絳

光三道入兆頂中下灌神符洞徹如日次

存三台星蓋於泥丸光映一形後想目中

有炎精二神長三寸丹裳赤冠口吐火光

二道自二目中與三台星光洞合於筆端

閉炁書符至急急字處發訣吹炁於符上

若得九鍊丹砂書之可以迴尸起死焚蕩

鬼管如學士自進鍊陽消陰愈痼疾沉痾

下三尸九虫以丙丁巳午日為始書竹膜

日吞九符三日驗

祖道玄真烜赫正神鬱儀賦質英感澡形

赤明和陽理禁威靈耀明宗風帝重光明

戊己之英中央鎮星排蕩邪氣破滅妖精

海逢之木逢之爐金逢之鎔長離之主

純攝飛行迷離奴那唵唵叫叫迷離奴那

唵唵叫叫東海青童總括張羅迷離奴那

唵唵叫叫

大赤皇定元真符

阿陀

龍單

先書四字於單 字上起筆圍之



念四字轉 四匝蓋形

皇主定元符

四象

呼真

先書四字自員 字上起筆圍之



念四字轉 四匝蓋形

右二符將乃斗中二童及日月二童子主

拂塵化光破陰翳正純陽指太皇明堂訣

存斗中及日內童子降光吸炁閉炁書

符書畢噴炁發訣於符上邪怪用前符陰

魅用後符

右三符大事下鎮以金玉銅鐵作板長一

尺二寸闊四寸厚二分又云長九寸闊三

寸或以磚石刻文丹砂填書或楓栢梓木

作板釘之或沉或燒皆背書誥命作五行

太歲弄法位共七行常事朱書赤素焚之

書符各有口訣不可妄行恐遭殺謫亦可

每日朱書竹膜以清水吞服二七日之後

可募於金玉香板水滌飲之百日後存神

炁書之口吸咽於丹田中消陰純陽與真

合同百魔自怖可移精變炁愈於百病拯

救人民

火鈴誥命

上清重明火鈴真符告下今年某甲太歲已上諸位神煞咸聽符命衛佑其人移徙嫁娶動土興工修營宅舍更改門庭所向所止抵犯禁忌方道相刑不得妄動興災害民一依太上青城摺石上古元盟迴避遠去慎勿稍停事畢復位萬神咸寧敢與災怪火鈴奔衝逆者滅形一如告命土官驛呈

焚化言風火驛呈 貼釘言地示驛呈

宅宇言神宅驛呈 埋之言土官驛呈

太歲 月 日 時告下

具位 臣 姓 某 誥行

元應太皇府印



右元應太皇府印統制萬殺消滅害氣招真命靈伏魔除怪管轄萬神滌蕩鬼邪効

地界法官糾邪驅治刻以雷震木或赤棗心木為之

證幽微篇

朝請密呪神心同契平旦戶外臨目思日月分輝停輪六合紫光轉燭洞映一身乃微呪曰

大明靈神 九度鬱青 朝霞散輝 濯鍊五形 官駕六合 七神調平 結節解釋 胎根肅清

先叩齒九通微音呪訖再叩齒九通嚙液九過以右足先入戶至聖前烈火豐香凝

神心拜一炁宗神因心所祝祝訖存香雲結蓋玉女侍靖再心禮兩拜出戶

筌曰右足先入戶者外則地之戶以朝真之法入巽登乾鬱儀左顧則致目精結璘

右眇則召月神停輝六合肩後二小穴處也右足入戶出消魔朝真儀也平炁臨目

乃均息凝視叩齒嚙液為命神和真盡禮道宰則曰一炁宗神隨願薦詞則曰因心

所祝心拜者上參紫府帝一竹怡也設像則玄想易通天魔敬護也彌羅者香雲

需則曰香雲結蓋使徑御九天也黃房啓閉龍虎馨香則曰玉女侍靖檢誠帝前

元君入靖法

謹按南嶽上真司命元君魏夫人真授昔為女官祭酒入靖之法并仙人馮延壽口訣清靈裴真人朝真儀皆先以右足入戶

次左足併入靖燒香閉炁對席心拜百鬼畏伏功曹龍虎君久久可使人見又叩齒

陰祝正心平炁使人啓陳通達入戶燒香勿反顧反顧則忤真光致邪出戶反顧忤

真光致病又入戶漱口洗穢出戶漱口閉三官不得與人言語并足踏門限凡香不

得以口嚙及用竈中灰火勿使五辛菜六畜皮毛爪甲皆天人大禁道家以六戊日

不燒香如有急切祈告者惟戊辰戌戌乃道父道母之忌餘戊日亦聽從便也如遇

存思式

大風大雨可暫止入靖俟過方可朝修凡入靖朝修當於戶外存想靖內香官功曹使者直符各侍衛森列龍虎君立於道

前金童侍香玉女傳言香官侍爐直符通誠香雲五色三炷蕭蕭然後依科行事勿使寂寂而已如此則誠心上御感格天靈其諸品朝真別有禮典者並從本科自茲之後續而按行酉時入靖北面燒香精念

九神下映帝席接手正坐良久乃云

七星玄真 魄靈皇君 流輝內映 泱御斗魂 三台曜華 七液纏津 金璫虎蘇 備衛生門 神化洞虛 攝輪紫庭

右北斗九晨一曰九星泥丸九官中有帝

席寃神鬼靈分化列位隱名曰天蓬亦曰

太微神事見上道禁經三匝斗內文及紫

庭秘旨大洞天書也呪畢嚙液九過叩齒

三十六通出戶或未出戶因祝天蓬神呪

數過過試蕩穢束妖滅邪皆紀斬司鬼之

神名也北帝祕其道誦之可以致真散結

用之可以命神消魔誦時存丁甲侍衛默

念之不出聲也念天蓬呪不得混淆俗語

靜坐叩齒默誦而已不得高聲邪鬼聞之化血滅形存丁甲者六丁六甲神將也

天蓬神呪

天蓬天蓬 九玄殺童 五丁都司 高刁北翁

七政八靈 太上皓光 長願巨獸 手把帝鐘

素臬三神 嚴駕夔龍 威劍神王 斬邪滅蹤

紫炁乘天 丹霞赫衝 吞魔食鬼 橫身欽風

蒼舌綠齒 四目老翁 天丁力士 威南禦兇

天驕激疾 威北街鋒 三十萬兵 衛我九重

劈尸千里 去却邪祥 敢有小鬼 欲來現狀

鑿天大斧 斬鬼五形 炎帝烈血 北斗燃骨

四明破骸 天猷滅類 神刀一下 萬鬼自潰

天蓬神呪誦時指都監訣隨誦上祝心拜

出戶 筌曰夫天蓬神呪出自北帝玄變真經古

今修學上道無不先當授行蓋驅伏魔試

之上法不死致仙之徑路兼元帥真君門

下有董大仙者專於此道以成高仙驅用

直月五將奏拜鷹犬靈章助翼威神斬馘

小醜及紫陽鄧天師有倒持之法七字密

語玉尺神印流傳塵世功驗難窮無所不

治載之秘府既司元應之局須遵元帥本

行雖集次於冊末而未備於真詮今復按元科詳究靈文刪其繁詞編類簡要協贊真猷拯濟羣品勿謂世所常聞而忽誕天靈瓊章矣

鄧天師倒持法

萬鬼自潰 神刀一下 天猷滅類 四明破骸

北斗燃骨 炎帝烈血 斬鬼五形 鑿天大斧

欲來現狀 敢有小鬼 去却邪祥 劈尸千里

衛我九重 三十萬兵 威北街鋒 天驕激疾

威南禦兇 天丁力士 四目老翁 蒼舌綠齒

橫身欽風 吞魔食鬼 丹霞赫衝 紫炁乘天

斬邪滅蹤 威劍神王 嚴駕夔龍 素臬三神

手把帝鐘 長願巨獸 太上皓光 七政八靈

高刁北翁 五丁都司 九玄殺童 天蓬天蓬

含元太虛 天蓬勅 急急如律令

右倒持神呪如欲成功須平旦入室朝修

未出戶之時以淨水一鍾安神尺於水鍾

之上俱置天蓬元帥真形前次安九天寶

印在水鍾下然後二手結元帥印存見五

臟分明六甲六丁侍衛次存九晨自北方

玄虛中來單兆頂紫炁出於泥丸後戶蓋於泥丸中有天蓬大元帥長九尺存之分明良久先叩齒九通念淨天地神呪又叩齒五通念天蓬安神呪嚙津五過畢再叩左齒撞天鐘後叩右齒鳴天磬次叩中間二齒擊天鼓各七通然後微祝之務以數多立限若至萬遍功德滿足邪鬼魔精兇惡妖怪聞名即去萬病千殃傳言即愈能令枯木生花竭水湧泉破五鬼疫癘降六天故氣半天五酉山魁妖狐隨呪絕其影響矣用印封鎖鬼洞伐戮蛟螭通達章詞無截遏之侮吞佩貼鎮有起死之功效成行滿乘尺佩印成仙如常誦自依常誦術

常誦秘旨

陶隱居真人曰吾昔在天台山深洞學道之時每被山神邪鬼所擾現形露身互來相撓累聞此道未曾施用依法施行去室百步外見血流於地尸臭盈谷聞有哭聲詞理哀切云陶弘景奪我居止傷我性命自後更不復高聲若人常常持誦久行此

道如與百神同遊長生久視矣若冥夜白日得祝為常也此無正限時節修事有閑慢曉夜之際諸疑暗之處便可以祝之皆當微言鬼有三被此呪者眼睛盲爛而死此為殺諸鬼之言也天地間自有惡疆鬼

董聞此而死之魂爽為鬼者也如此則鬼眼亦是有睛故盲爛也神呪皆斬鬼之司名蓋呪中有鬱都官諸位神名如許其頌威南之兵千人即呪之禦兇者也炎帝即大帝四明即諸公北斗即鬼官矣北帝祕其道北帝應見鬼殺人而值此呪便不可復得故祕其法若世人常能行之便不死之道也人之死皆為諸鬼所殺矣既不可取便不死男女大小皆可行之困病行之立愈鬼既奔走病豈不愈也叩齒當臨目存見五藏具五神自然存在初先叩齒三十六通時應臨目內視存見五藏想之要分明五藏神亦備在內然後可得乘正禦邪神以誅鬼鬱都中祕此呪今密受之耳不可輕泄若有道者共宜祕之雖非高貴

祕道乃是煎鬼上術兇鬼既削正炁可接且以誅邪過試學者之要法而諸人多輕其淺少每致輕泄漏慢使神呪無靈驗訶執不可行殊為可責北帝有禁慎勿蹈也鄭真人曰吾聞

太上北帝仙人指要法教始學道士受之以道誦之萬遍先滅妖魅次截不祥修持者見真道北帝仙人告鄭思遠曰凡誦此呪四言一啄齒以為常節此是修真之科若常誦不必四言啄齒若人有鬼難即如法端坐一依四言一啄齒或先啄齒七通誦之三過更啄齒七通陳心所願之事及為崇難鬼魔聞之皆眼睛爛悉滅死矣真人曰此神呪皆斬鬼之司名北帝祕之若遇世人得此法恒能行之可以制禦諸惡添神益算延年度厄禳災也男女長幼悉可行之矣北華仙人曰修誦行持此法籙神呪當須靜心專一不得雜事諸邪法術並同一處安置切須慎之此法皆六大魔侍衛見世人雜樂邪法等閑笑誦以為

尋常不能敬奉輕慢真文天蓬作怒能令人顛狂自投水火延考墳墓流竅一門殃及後世子孫慎勿輕泄道法三官責考切宜慎之慎之

謹按古秘天心太一攝邪正法曰淨天地呪念之噴水於靈壇自然化成天司玄局隨意應變其驗若聖後人增入乾囉但囉洞罡太玄二句未見真經藏典所載今刪去不用止依元科庶獲感應


天蓬元帥安神呪

勅吾身中十二神是吾神者居吾傍非吾神者遠去他方神人神人五藏先生存我骨肉養我華精天蓬天蓬所向者成急急如律令

元帥玉尺篇

元帥神尺刻布三光一尺二寸攝炁召神指風顧雲愈災度厄命神殺鬼救治眾苦當取靈虛桃木一尺二寸厚四分闊八分上日下月中建七元背刻勅字上列三台開祭吉日封以絳囊護持精感所捐利享

神尺式



九天寶印



右尺以比月長一尺二寸也以節象時闊一寸二分厚四分也羅絡三辰則日月七星也法則天道乃背刻勅字上列三台也

生化有度依式造尺故曰神尺因名可以指百危於慾界超神真於上清也用尺術生功滿登仙祭用吉日元帥下降之日可祭矣祝用三光臨使神尺先祝日月祝後念北斗諱依持誦之儀後誦元帥呪然後用之所指元亨變氣移精其濟甚博無不可者移精變氣聞衆疾之由呼重者在神尺一指皆得痊愈

燕味冲玄心棲淵默布炁鍊精畜神內守

太一布和孕炁育神朱煙已疾

若心棲淵默燕味冲玄則天五內克神管精備祝由已疾所謂有餘朱煙已疾心氣也太一布和元真也儻兆燕味冲玄心棲淵默畜神內守太一布和孕炁育神朱煙

已疾燕味冲玄心棲淵默畜神內守者乃心合太虛默契無為抱一去垢不視不聽忘言忘慮堅固體道不賞精神內守是也然後誦太一元真神呪引降太一和氣下流一體孕秀育神方可存心炁布玉尺祝

三光愈萬病持此道入室靜思內視不睜內聽不昧使欲者不欲不欲者欲以陽化陰以和化心心氣靜陰弱神正神正則專持專持則景滅景滅則形忘形忘則神應神應則和同和同則天下精光可入精

光既入陽炁獨化可謂太一元真布和冲神

呪曰

三清上境太一元真布和法化開化度人鍊魂日宮校魄月輪天帝總炁地官飛塵

千二官靈萬二千神合為仙宅立為真身
真身之中七政九官心光朗曜照玄明官
明官大神和氣心真內清五藏外召五神
精思不窮開光度人老者反壯故者還新
飲食六甲三境回春十二吏兵保衛爾身
日誦千遍上朝元君元真老君至道獨存
保爾元命衛爾靈官勤叩天鼓和形鍊神
齊滿不忘當見神尊策空駕浮昇天躡雲
誦記即注目存神炁祝三光以尺所向故
一切人身萬病立瘥

朝真祝尺式

朝真之儀自如常儀若清旦祝尺候朝真
畢即於元帥真君前先子午斗次左手天
蓮訣存炁溫溫以訣安在胃前右手執尺
於香火上叩齒二十四通存元帥靈姿高
秀衣赤羽緋衣雲錦丹裳攝統方維執玉
戟持印四面八臂及月直五將五色綉衣
朱幘金甲都統大將玄冠黑幘緋衣金甲
吏兵朱衣甲冑皆在空中叩齒三通默誦

淨天地呪

洞中玄虛晃朗大元八方威神使我自然
靈寶符命普告九天斬妖縛邪殺鬼萬千
中山神呪元始玉文我誦一遍却鬼延年
按行五嶽八海知聞魔王東首侍衛我軒
光穢蕩盡道炁長存急急如律令

次誦天蓬安神呪取天蓬炁咽服及吹身
中念天蓬呪取天蓬炁吹天上次有日月
在左右天罡星首建華冠佩流金火鈴素
羽飛雲之裳仗三昧火劍總輪上宿光回
諸天及照兆身用本呪訣請炁吹尺次念

六甲六章天圓地方五行相應日月為光
身披北斗耀格天堂青龍居左白虎右傍
熒熒活曜辟除不祥北斗誅斬滅兇散殃
五星從我周旋四方左驅右伏盜賊潛藏
行者有喜坐者迎祥吾今所願吉吉昌昌

一如上帝律令勅

法曰若遇救治攻人身中百病添火鈴神
呪掐火鈴訣誦呪取真炁并訣吹尺上
次誦朱明呪

朱明大神養炁存真化身三界吞伏魔精

存我日月七政安寧遊行五臟疾速驅兵
聚寇歸祖收寇還靈何邪不去何病不平
火車去毒水車合真風車炁車洞達玄冥
真光變化道骨輕清上昇功滿皆我真形
朱明朱明九玄九真光攝萬道驅惡潛寧

火鈴呪

太上神靈炎帝之精光霞電掣明耀三清
流火萬里鬼無逃形神印一著灰滅邪精
三五將軍豁落吏兵平天受地誅鬼不停
飛符走印頭戴五星擲火前殺萬鬼千精
六天故炁付與天丁五靈真老是吾本師
無礙神通萬靈同歸惡鬼絕滅不祥者追
中黃九道威布四維伏匿故炁不遣纖遺
五瘟七疰吾能殺之何神敢逆何鬼敢窺
鬱都戮形北斗斬尸神尺一下鬼賊消糜
急急如律令

天蓬神變法

以左手大指二指捻鼻中內際誦天蓬元帥呪服天蓬符存玄黃之炁下接泥丸覺溫溫然則神炁應符存念納靈之驗也攝行法度應當存之右誦呪一遍服符九一枚玄想疑心炁無不感心不疑則炁不降符不服則邪不賓矣

天蓬符



天蓬印



太玄神篆曰天蓬印方二寸五分用神木刺印于甲子祭當庚申也陽精封篆盛以絳囊

右天蓬組師印印天蓬牒符篆應諸公文自有童初府外館印若鎮治及逐府行遣即用逐府印其印用楓栢棗木經雷震者

為神木

道法會元卷之一百七十一

正一天師清微弟子 洪百堅 製作
道教學術資訊網站

道法會元卷之一百七十二

卅二

元應太皇府玉冊

贊皇猷篇

禹步

冊曰玄斗之妙在乎十二辰契大化之數乘三明以歷九宮齊七政以隨一作八門也出生制逆皆應推之坎卦三元起甲子日時天蓬順行出天英也離卦三元起甲子日時自天英出天蓬也是以九一二至三七二分夏秋於坤巽冬春立於心任也二十四氣六甲環中通利陰陽安鎮九野妖光滅影我道日隆步之百日誦詠斗章與神潛通
筮曰右禹步玄斗者言北斗九宸應化分精而為九神也九神者天蓬天任天衝天輔天英天內天柱天心天禽也謂順支辰總御陰陽契合天地主張造化乘三明以應四時隨月建以定八節歷九宮也進退八門之中齊七政也往返於三元之內二至以甲為先儀奇以逆順為戶孟仲季內